

INGURUMEN KUDEAKETA ETA SENTSIBILIZAZIOKO ZERBITZUEN KARTAREN JARRAIPENA. 2015

KLIMA ALDAKETAREN AURKAKO BORROKA

1. KONPROMISOA

MCP/SCPSA sozietatearen jardueraren ondoriozko Karbono Aztarna ezagutaraztea bultzatzea, erakunde akreditatu batek horren ziurtagiria egitea eta Karbono Aztarnaren erregistroan horren izena ematea.

2015eko lehen seihilekoan, 2013. urteko CO₂ isurketen kalkulua egin zen. AENOR erakundeak egiaztatu zituen eta 1+2 norainokoetarako ziurtagiria egin zuen maiatzaren 11n, 39.106,39 t CO₂ baliokide sortuta. Ekainaren 17an, Klima Aldaketarako Espainiako Bulegoak (OECC) Iruñerriko Mankomunitatearen/SCPSAren karbono aztarnaren izena eman zuen Karbono Aztarnaren Borondatezko Erregistroan.

2015eko bigarren seihilekoan, gauza berbera egin zen baina 2014. urterako. Hartara, AENORek egiaztatu zuen eta ziurtagiria egin zuen 1+2+3 norainokoetarako, abenduaren 23an, 60.27,79 t CO₂ baliokide sortuta. Iruñerriko Mankomunitatearen/SCPSAren karbono aztarna zela-eta, 2016ko martxoaren 4an eguneratu zen izen-ematea Erregistroan.

Karbono aztarnaren kalkuluarekin batera Murrizte Plan bat aurkeztu da, aztarna gutxitzera bideratutako neurriak barnean hartzen dituena.

Behin karbono aztarna ezagututa, emandako zerbitzu unitate garrantzitsuenetarako kalkulua egin da.

Lan honi zabalkundea emateko, lantokietan AENORen ziurtagiriak kokatu dira, eta erregistroan izena eman izana intranetean eta erakundearen webgunean ezagutarazi da. Era berean, hainbat talderentzat, berariazko aurkezpenak egin dira, eta prentsaurreko bat egin da herritar orok izan dezan honen berri.

Horrenbestez, konpromisoa betetzat jotzen da.

2. KONPROMISOA

Energia berriztagarriaren aprobetxamendua maximizatzea, bai Urtasun, Egillor eta Eugiko zentral hidroelektrikoetatik lortzen dena, bai eta hondakinetatik sortzen den biogasetik lortzen dena (Arazuriko araztegiko eta Gongorako lohiak).

2015ean, 50,01 milioi kWh energia ekoitzi ziren, jatorri hidroelektrikokoak eta biogasekoak. Kantitate hori aurreko urtekoa baino zertxobait handiagoa izan zen. Zehazki, biogas kantitatea handitu zen, Gongorako kogenerazio instalazioa handitu zelako, eta energia hidroelektrikoa, berriz, murriztu egin zen, urtean zehar prezipitazio kantitatea txikiagoa izan zelako.

Horrenbestez, konpromisoa betetzat jotzen da.

INGURUMEN KUDEAKETA IRUÑERRIKO MANKOMUNITATEAN

3. KONPROMISOA

Ingurunearen kutsadura zaintzea eta kontrolatzea erakundearen jarduketekin lotutako esparruaren barnean.

Hileroko maiztasunarekin, aurretik ezarritako kontrolak egin dira jada itxita dagoen Argiñarizko zabortegian.

2015ean, Arga ibaiaren kalitatea aztertzeko hileroko kontrolak egiten jarraitu dugu bost tokitan: Iruñean, Arazurin, Ororbian, Etxaurin eta Garesen. Toki horietan kontrola egitearen helburua da beste ibai batzuk edo isurketak gehitu ondoren Arga ibaiko uraren kalitatea zein den jakitea. 2015ean, Iberoko eta Beraskoango guneeetan kontrolak egiteari utzi zitzaion, ulertu baitzen ez zirela oso adierazgarriak, tarte horietan dauden gehitzeak tamaina txikiko ur-lasterrei baitagozkie eta uraren kalitatea urari beheiti erregistratzen delako, Garesen egiten den kontrolean. Arakil ibaia toki batean kontrolatzen jarraitzen da.

2015ean, Gongorako HHTZn, lurgaineko uren kontrol berberak egiten jarraitu da, zabortegitik urari goiti eta urari beheiti, zabortegiaren jarduerak berak kutsatzen ote duen ikusteko. Kontrolak hiru hilean behin egiten dira, bost tokitan lurgaineko ura badago, eta zazpi tokitan lurpeko urak kontrolatzeko. Nabarmendu behar da, 2015ean, hiru hilean behingo kontrol horietako bat kanpoko laborategi batek egin zuela, azken eguneratzean ingurumen baimen integratuak exijitzen duenaren arabera. Analisisien emaitzek adierazten dute ez dela eragiten ari lurgaineko urei.

2015eko maiatzean, Arazuriko HUAN, azterketa olfatometriko berria egin zen, konpostaje itxiko prozesuaren ondorioz instalazioak duen usain eragina ikusteko. Kontuan hartuta, instalazioaren beste azterlan olfatometriko batzuk daudela, lehenagokoak, HUAN egiten den jarduerak duen usain eraginaren bilakaera ikusteko, alderatze bat egitea erabaki zen. Emaitzek erakusten dute gauzatu diren hobekuntzak oso eraginkorrak izan direla, eragina nabarmen gutxitu baita.

Horrenbestez, konpromisoa betetzat jotzen da.

4. KONPROMISOA

Gure obrek eta instalazioek ingurumenari eragiten dizkieten kalteak minimizatzea.

Gure obren eta instalazioen ingurumen eraginak minimizatzeke, 2015ean, ingurumenarekiko kalteen bederatzia azterketa egin dira: Artetako ubideak, 800eko diametroko hodia egonkortzea Larrasoañan, Ziritzako biltegia, Olaibarko hornidura, Zubiriko hornidura hobetzea, Arazuriko ponpatzea, Artetako hobia, Zubiriko hobia, Landabengo euri uretarako sistema berritzea.

Horrenbestez, konpromisoa betetzat jotzen da.

HONDAKINAK MURRIZTEA ETA IN SITU EDO TOKIAN BERTAN KUDEATZEA BULTZATZEA

5. KONPROMISOA

Etxeko eta auzoko konpostajea sustatzea, etxebizitzetako hondakin organikoak aprobetxatzeko.

2015ean, 107 familia gehitu zaizkio etxean konposta egiteko kanpainari eta, horrenbestez, 1.992 familia dira etxebizitzan konposta egiten dutenak. Auzoko konpostajeari dagokionez, 2015aren amaieran, 32 gune daude martxan, izan ere, urtean zehar Sanduzelaiko gunea jarri baita abian. Prebentzio neurri horien arabera (etxeko eta

auzoko konpostajea) kalkulatzen da urtean zehar etxebizitzetako 1.750 tona hondakin organiko baino gehiago kudeatu direla.

Berrerabil daitezkeen edalontziak eta pitxerrak lagatzea.

2015ean, edalontziak maileguan uzteko 35 eskaerari eman zaio arreta.

Elikagaien bankuari atxikitako supermerkatuetatik jan-edanak biltzea egunero.

2015ean, supermerkatuetan eta elikagaien dendetan sobera gelditu diren jan-edanen 833,55 t bildu eta garraiatu dira, ezin zirelako merkaturatu. Hain zuzen, Elikagaien Bankuari eman zaizkio, hark kudeatu eta erabil ditzan, eta, gainera, ekidin da hondakin bihurtzea.

Horrenbestez, konpromisoa betetzat jotzen da.

INGURUMEN HEZIKETA ETA SENTSIBILIZAZIOA

6. KONPROMISOA

Ekoizpen instalazioak irekita edukitzea herritarrentzat, egokituta dauden jardueren eta baliabideen zerbitzu batekin.

Iruñerriko Mankomunitateak bere zazpi ekoizpen instalazioetatik sei eduki ditu irekita urtean zehar, jarduerak eta baliabide egokituak eginez. Hain zuzen, Artetakoa dago itxita, lur eta harri jauziak gertatzeko arriskua dagoelako.

Horrenbestez, konpromisoa betetzat jotzen da.

7. KONPROMISOA

Ingurumen heziketarako programa bat eskaintzea, uraren, hondakinen, garraioaren eta ibai parkearen gaitan, Iruñerriko ikastetxeei, taldeei eta partikularrei.

2014/2015 ikasturtean, ingurumen programan parte hartu duten ikastetxeak 116 izan dira eta parte-hartzaileak, berriz, 37.203. Aurreikusita zegoen 40.000 inguru izatea, eta, beraz, gutxiago izan dira, ziur asko, Artetako jarduerak ezin izan direlako egin. Horrez gain, 50 taldetako 2.568 laguni eman zaie zerbitzua ikasturte horretan. Hain zuzen, jaso diren eskaera guztiei erantzun zaie.

Horrenbestez, konpromisoa betetzat jotzen da.

8. KONPROMISOA

Ingurumen informaziorako eta heziketarako zentroen sarea irekita edukitzea (Atarrabiako Pilategia, San Andres Errota eta Mendillorriko Uren Etxea), eta Iruñerriko Mankomunitatearen jarduerak edo beste batzuekin elkarlanean egindakoak sustatzea zentro horietan eta naturguneetan (ibai parkean eta Mendillorriko pasealekuan).

2015ean, irekita eduki dira ingurumen informaziorako eta heziketarako hiru zentroak, eta 10.100dik gora bisitari izan dira horietan. 57 jarduera sustatu dira eta haietara 34.819 lagun joan dira.

Horrenbestez, konpromisoa betetzat jotzen da.

ERREKLAMAZIO, IRADOKIZUN ETA KEXEN KUDEAKETA

9. KONPROMISOA

Karta honen edukiarekin lotutako erreklamazioei, iradokizunei eta kexei 15 eguneko epean arreta ematea, erantzutea eta horiek konpontzea.

Karta honen edukiarekin lotutako 20 erreklamazio, iradokizun eta kexa jaso dira. Nahiz eta denei eman zaien arreta ezarrita dagoen 15 eguneko epearen barnean, gutxi batzuk baino ez dira modu horretan jaso administratiboki; horrenbestez, alderdi hori hobetu egin beharko da.